

重刻漢中府志

1900
174.205
125.1
1-12



Pe83
13120
10421-211

重刻漢中府志



民國甲子
春墨刻
西廛省城



重刻漢中府志序

有清淑浦嚴樂園廉訪著陝西漢中府志攷訂詳明敘述典核時當川湖陝教匪剿平後於南山險要開屯置戍多所考稽誠邦志之最良者也余夙聞是書名徒以從事兵間卒卒鮮蒐訪之暇迫奉

中樞命省方關輔輒因軍事訪知山南東西兩道山谷阻深江河環繞士習詩書之業民敦禮讓之風物產豐饒土田肥美地連秦雍水下荆揚證諸今文韓詩家所云遵彼漢皋卽遠指此漢水班孟堅氏爲習

重刻漢中府志序

一

今文齊詩者亦謂漢中郡南鄭縣有旱山爲沱水所出東北入漢以釋詩大雅瞻彼旱麓之旱山伊古以來山南一隅神臯奧區久稱天府遠援經義近察方輿屏蔽東南實爲重鎮將以探兵要究治方舍紀載其曷資焉緣是急覓此編久之始晤南鄭藍君葆初沔縣侯君劍澄城固王君筱康以舊刻本目示具述此志板片燬於兵火郡中耆賢思欲重刊而力未逮也兼江寧吳敬之固始萬鍾安亦力言文獻攸關懇懇爲之余遂囑所司籌撥銀幣二千並函 吳芭孫

幫辦互爲攷助計刊需不逾三千元而此書遂以重新剞劂永廣流傳上之可供

國史氏之徵求下之可助地方官之考索中則存職方故實備輶軒咨詢經學以爲舊畚兵家以爲韜畧卽彼時山南一道整軍經武禁暴戢兵之故蹟具可按籍而稽語云前事不忘後事之師或者於樂園廉訪纂輯郡志之本意不無小補也夫是書重刻之議創自藍侯王諸君總司校勘者則南鄭林君捷三梓成當在明春特先敘其原起於此時甲子八月十六

重刻漢中府志

序

二

日也陝西省長兼署督軍鞏縣劉鎮華謹序

重刻漢中府志序

余忝總師干在兵間二十餘年馳驅戎馬足跡半天
下所至以攻守形勢每索邑志縱觀攷歷代用兵之
迹証之軍中所繪輿圖開益神智時獲我心因歎古
人著書立說非第爲觀美也民國十年自德安移師
關中旋奉陝南邊防之命爰張兵兩翼一由武關趨
興安一由寶鷄規南鄭中間搏戰匝月漢南全境乃
定越明年復奉命幫辦陝西軍務乃卽南鄭前漢中
道公廨爲行署顧念斯邑久罹兵革時以休養爲務

暇與是邦人士相接僉以志乘未修有意斯事同里
阮君翱北時權南鄭縣篆亟成邑志余爲序而行之
而漢中府志則自前清嘉慶癸酉激浦嚴樂園先生
守漢中時重修後中經亂事垂百餘年板燬於火無
繼其後者攷漢中自秦通蜀道高帝肇基王業山川
靈秀人材代興設官斯土視爲重鎮今府治雖已不
存而版圖未易況樂園先生澤浹漢南祠於名宦其
修訂府志不愧名作然則收拾遺墜表彰前哲其責
烏可緩耶南鄭藍君葆初沔縣侯君劍澄城固王君

曉康怒焉傷之謀於同人搜得嚴志舊本思重刊而補葺之請於督軍劉公雪亞抵書於余及漢中道尹各捐貲以助開雕之費閱一年而嚴志重完不可謂非盛事也夫值國家多故百端更始諸君子維桑與梓拳拳於典章文物使前賢已燼之籍復得公諸同好魏文帝曰斯文未墜必有英絕出而領袖之者諸君子有益於人心世道誠知所先務矣况劉公雪亞禮聘名賢方開陝西通志之局取斯志上之秉筆者採擷菁英異日書成海內通儒碩士皆將爭先快覩

重刻漢中府志

序

四

余不敏聊識顛末於簡端以志欽挹云爾

民國十四年孟春合肥吳新田撰

重刻漢中府志序

辛酉冬貞豫再權南鄭篆時續修新志成既讀而序之矣越二年復拜分巡陝南之命藍紳葆初侯紳劍澄王紳曉康以郡志重梓告竣問序於余余維漢中漢高所封地山川人物夙著雄稱且道通隴蜀要扼荆襄國家設立鎮道倚爲屏蔽大勢所關匪特陝西一隅之輕重官斯土者留心稽古輒思得所據依以資治理然則郡志之關係顧不重哉矧斯志爲名賢所編紀載精闕考據詳密向惟康次衡先生家有藏重刻漢中府志序

五

本每一披覽覺漢水梁州之政俗咸釐然而可稽獨惜同治髮亂板燬無存遂使乾嘉以前掌故概付劫灰去夏陝省通志開局纂修檄縣令採事蹟以聞各縣士紳提倡修志風動一時亟待此書藉資參考徧爲蒐訪迄不可得率抱數典忘祖之嗟顧念民國廢府續修之役當然停止憲法留縣裁道是議修道志亦貽笑覆瓿耳推此以論斯志不啻嚴公之絕筆在今日實有重刻之必要繼自今漢中各屬之文獻旣絕而復續藍侯王三紳可不謂知所重歟是役也開

始於夏五月歷秋冬而工竣先是王道尹壽乾倡捐
洋六百圓余復捐七百圓以助之其校勘而始終其
事者則林君捷三也時民國甲子嘉平旣望漢中道
道尹合肥阮貞豫謹撰

漢中府舊志序

郡國亘古不變者在天爲分野在地爲山川
若戶口則登耗變矣賦役則輕重變矣兵防
則疎畧變矣官師人物則盛衰變矣溝壘渠
梁膠庠廨宇以及諸所建置則隆替變矣郡
必有志所以紀變也備攷而謹書之使良庖
司割者知大窾堅軟所在砉然遊刃診脉而
誌其浮沉虛實據案處方補泄可以無誤志

之利益如是予抵興元首問主藏吏漫應曰
無有索之再三以鐫版數片呈積塵寸計點
畫不可辨蓋自萬歷癸卯以至於今垂及六
十年所不付諸羸燼者幸也前軫旣仄來軫
方彙而絕續之間閭無紀述用怍然不釋於
懷會天憫予遺雨暘時若守土吏旣獲有寧
宇仰稟

各憲臺教令朝夕佩成算故雖以謏劣下才

如達道者得勉竭馬牛奔走之力冗中抽暇
所成此書書成撫卷喟歎歎世事之變相尋
未有已也薙草卜居流庸漸復由耗而變之
登也汰無莠之征用緩有節由重而變之輕
也蒙戎藜藿之中虎豹憑焉由疎而變之密
也旦氣初動知寵賂之可羞公道重昭以弓
旌爲不辱由衰而變之盛也彼黍離離百工
斂跡矣斧斤復應乎星辰奮插乍興其雲雨
由替而變之隆也其漸變而之媿者前此十
餘年來扶羸潰毒之功其盡變而無乎不媿
者從此數十年內規遠慮長之計其萬不至
變爲不媿者從此數十年後歷於永持盈戒
盛之心功有與立計有與定心有與爲提呼
則亦踵此志而增修之而考鏡之已矣芻蕘
獻忠竊於諸論斷中三致意焉若乃有諷不
答時存闕文誼不敢以傳疑當掌故吾類未

枯更需據實云爾

順治歲次丙申漢臺奠飲之日興元長東吳
馮達道謹誌



序

丙寅之冬奉

命來守漢南維時滇逆蕩析山川歸正民還
井里咸樂昇平

天子適命儒臣修輯一統誌以彰聲教訖四
海之盛徵收天下輿圖亟於編次余因檢
閱漢南舊志披而讀之喟然而歎曰猗歟
美哉歷觀流峙則神禹導水而為南條之

漢南續修郡志

卷之一

滕序

一

漢者也俯覽城郭則漢高於此肇四百之
基武侯於此定三分之烈者也人文則李
固立嚴正之節德輿富藻麗之章疆域則
西北尾雍東南首蜀倚空雲棧洩水黃金
矗騰高之險以限巴隴之衝列逼景之奇
以壯鄖襄之勢者也豈非方域之鴻圖區
宇之勝槩今昔之所必據治亂之所攸因
者乎惜歲月綿延紀述廢失是編也明萬

歷癸卯創起于崔郡侯逮至

皇清丙申繼輯於馮刺史篇章雖云典雅而
蒐羅未免簡略且從乙卯丙辰以來山狀
跳梁釜魚噴沫其間傾歎反側軼理背倫
殊多紊裂一旦

皇威赫濯虎旅掃除立覩廓清芟削殆盡引
端暨末闕爾未書因是廣接紳衿授餐適
館各抒聞見彙集篇章仍舊志之條目綴

後來之考訂共成廿四卷退思之下手自
摩挲繁者刪之逸者補之略者益之疎者
密之不涉於風化綱紀者去之或錄於謠
傳影射其刊之皆本之邑乘之筆載核之
往代之史籍而後捐其水俸付之梓人雖
於余有難言者矣古人之成書也左擁圖
籍右列縹緗點竄塗抹指疵斥類句櫛字比
咸以精實正定為主而又訪問遺賢廣諮


故老非藉論于贈鳳寓龍之名鄉則取資
于茹芝披草之逸嬰於沒勒為一帙傳之
將來書如是其難也今漢南屢被寇氛世
冑寥寂家每司空之十乘架無鄴倉之萬
籤名山之著述罔求公府之方策遺散老
成凋謝隱士莫聞長民鮮與可之逸奇游
覽絕子瞻之精贍文獻不足實愧稽求多
石少入貽譏柳子余也并千狐而為裘集百
鷄而為蹠以類聚以羣分或疑信有未祛
恐虛實之未覈輒敢仰塵

上公之覽希附一統之編則鄙陋駁襍曷
可辭舌顧武泰山不厭土壤河海不憎細
流沒之君子視如岷山之導以是編為發
源庶幾稱水德之濫觴焉可矣

昔

康熙己巳菊月知陝西漢中府事閻左

滕天綬撰



叙

戊辰冬予承乏守漢中檢視郡乘
則康熙二十七年知府滕公天綬
所輯距今百二十餘年板殘字蝕
模糊不能成句讀徵各屬誌惟南
鄭為嘉慶元年知縣王行儉所修
城固洋縣西鄉沔縣略陽之皆輯

康熙年間寧羌褒城鳳縣則舊本
無誌慨然曰文獻之無徵至於如
此將何所稽以為治耶質之大中
丞方葆巖先生先生曰舉修廢
墜守土責也願志之雅江文通言
之志者憲章所係其原起於爾雅
非老於典故者不能鄭漁仲通志

貫穿百家綜核異同誠為不朽之
業郡邑之有志雖不必若通志之
兼賅亦必廣搜博收脩一方掌故
若秦志中一二贈炙人口文雖美
特自成一家言未盡合誌體也余
領先生言心畏其難會先生移督
浙閩不能以時請訓弥悵然若

失既得陝西通志閱之其書為漂
陽史丈靖公奉

勅所修義例精當考据詳核蔚然大觀
也迺奉諸案頭以為續修準式初
視事之年寧陝總鎮移安漢中軍
府甫闕百務維新庚午辛未郡屬
頻大水山內清風歲有撫綏事宜